

Visoki predstavnik Inzko čestitao Dunji Mijatović imenovanje na poziciju izaslanice za ljudska prava Vijeća Europe



Visoki predstavnik Valentin Inzko uputio je srdačne čestitke Dunji Mijatović povodom imenovanja na poziciju izaslanice za ljudska prava Vijeća Europe. Mijatović će biti prva žena, te prva osoba iz Bosne i Hercegovine koja je imenovana na ovu važnu i zahtjevnu poziciju u čijem je fokusu promoviranje poštivanja ljudskih prava.

„Ovo je veliki uspjeh za Dunju Mijatović osobno, ali je i pobjeda i uspjeh za Bosnu i Hercegovinu. Ovo je dokaz i potvrda da u ovoj zemlji ima puno talentiranih i visokokvalificiranih profesionalaca. Siguran sam da će Dunja Mijatović uspješno promovirati ljudska prava i zajedničke europske vrijednosti. Veliki doprinos njenom radu bio bi učinjen kada bi BiH, nakon više od osam godina, napokon provela presudu u slučaju Sejdić-Finci, čime bi se na najbolji mogući način odalo priznanje njenom imenovanju“, rekao je visoki predstavnik.